

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



三. 十行 - 夜摩天宮

昇夜摩天宮品

夜摩宮中偈讚品

十行品

十無盡藏品



華嚴經昇夜摩天宮品之迎佛寶莊嚴殿

合會因果	爾時，如來威神力故，十方一切世界，一一四天下南閻浮提及須彌頂上，皆見如來處於眾會。彼諸菩薩悉以佛神力故而演說法，莫不自謂恒對於佛。爾時，世尊不離一切菩提樹下及須彌山頂，而向於彼夜摩天宮寶莊嚴殿。
然未得自在故百萬眾未圓滿 (已入聖位故俱菩薩眾迎佛天王化寶座百萬莊嚴)	時，夜摩天王遙見佛來，即以神力，於其殿內化作寶蓮華藏師子之座，百萬層級以為莊嚴，百萬金網以為交絡，百萬華帳、百萬鬘帳、百萬香帳、百萬寶帳彌覆其上，華蓋、鬘蓋、香蓋、寶蓋各亦百萬周迴布列，百萬光明而為照耀。百萬夜摩天王恭敬頂禮；百萬梵王踊躍歡喜；百萬菩薩稱揚讚歎；
	百萬天樂各奏百萬種法音，相續不斷；
	百萬種華雲，百萬種鬘雲，百萬種莊嚴具雲，百萬種衣雲，周匝彌覆；
	百萬種摩尼雲，光明照耀。從百萬種善根所生，
	百萬諸佛之所護持，
	百萬種福德之所增長，
	百萬種深心、百萬種誓願之所嚴淨，
	百萬種行之所生起，
	百萬種法之所建立，
	百萬種神通之所變現， 恒出百萬種語言顯示諸法。
迎佛入殿	時，彼天王敷置座已，向佛世尊曲躬合掌，恭敬尊重而白佛言：善來世尊！善來善逝！善來如來、應、正等覺！唯願哀愍，處此宮殿！
十方同入	時，佛受請，即昇寶殿；一切十方，悉亦如是。
憶念說讚	爾時，天王即自憶念過去佛所所種善根，承佛威力而說頌言：
往昔十行位十佛	佛 名稱如來聞十方，諸吉祥中最無上，彼曾入此摩尼殿，是故此處最吉祥
	法 寶王如來世間燈，諸吉祥中最無上，彼曾入此清淨殿，是故此處最吉祥
	僧 喜目如來見無礙，諸吉祥中最無上，彼曾入此莊嚴殿，是故此處最吉祥
	精進 然燈如來照世間，諸吉祥中最無上，彼曾入此殊勝殿，是故此處最吉祥
	禪定 饒益如來利世間，諸吉祥中最無上，彼曾入此無垢殿，是故此處最吉祥
	般若 善覺如來無有師，諸吉祥中最無上，彼曾入此寶香殿，是故此處最吉祥
	方便 勝天如來世中燈，諸吉祥中最無上，彼曾入此妙香殿，是故此處最吉祥
	願 無去如來論中雄，諸吉祥中最無上，彼曾入此普眼殿，是故此處最吉祥
	力 無勝如來具眾德，諸吉祥中最無上，彼曾入此善嚴殿，是故此處最吉祥
	智 苦行如來利世間，諸吉祥中最無上，彼曾入此普嚴殿，是故此處最吉祥
十方同入	如此世界中夜摩天王，承佛神力，憶念往昔諸佛功德，稱揚讚歎；十方世界夜摩天王，悉亦如是，歎佛功德。爾時，世尊入摩尼莊嚴殿，於寶蓮華藏師子座上結跏趺坐。此殿忽然廣博寬容，如其天眾諸所住處；十方世界，悉亦如是。